



## Universitätsbibliothek Paderborn

**Gallia Vindicata, In Qua Testimoniis Exemplisque  
Gallicanæ Præsertim Ecclesiæ, Quæ Pro Regalia, Ac  
Quatuor Parisiensibus Propositionibvs A Ludovico  
Maimburgo, Alijsque producta sunt, Refutantur**

**Sfondrati, Celestino**

**[Ort nicht ermittelt], MDCLXXXVIII.**

8. Pontiniaci Monachum agit, & ab Henrico pellitur: Schisma Henrici, & ab  
Alexandro Legati.

**urn:nbn:de:hbz:466:1-38277**

fertim ubi lectæ consuetudines; tunc enim ab omnibus conclamatum, & constantiæ Archiepiscopi etiam ab ijs aplausum, qui maximè damnaverant. Ipse Alexander primò excandescere, ac nimiam Archiepiscopi conniventiam accusare, quòd suo assensu eas consuetudines juvisset, Ecclesijs feedissimâ servitute oppressis, postea placari, summisque laudibus ejusdem constantiam efferre, qui solus in acie perstaret, & tanto rerum omnium, ac vitæ contemptu Regios moraretur. Sic eā die discessum, nec amplius dubitatum, non Archiepiscopi tantum, sed totius Ecclesiæ causam agi, nec ab illo severitate, ut quidam putaverant, sed indulgentiâ peccatum. Sequenti die revocati in Senatum Patres, ac thalamo interiore accepti. Ingressus Cantuariensis dejecto vultu, lacrymisque perfuso, se malorum omnium, quæ Angliam turbabant, auctorem profiteri; quippe tantæ Dignitati, & curis eam comitantibus se imparem eff., & aulæ potius, cui assueverat, quam Ecclesijs natum: nec se id ignorâsse, cùm caput Infulis submitteret: repulisse eas quidem, sed tandem acceptâsse urgente Rege; quòd Regem ergo Deo prætulisset, utrumque jam aversum experiri: placandum ergo dimissâ Dignite, quam sustinere non posset: hoc dudum sibi animo sedisile, distulisse tamen, ne in profanas manus tiaram deponeret: nunc tempus, & locum esse destinata exequendi. Tum annulum digito extractum Alexandro porrigens: *accipe, inquit, insignia funebre Dignitati; reddo, à quo accepi: & olim exuissim, nisi illi expeterent, quos indignos credebam. Intuas manus depono; tuum erit Cantuariensi Ecclesiæ sponsum alium diligere me dignorem, & uitam feliciorem.* Hac Archiepiscopus pari modestiâ, & fortunæ contemptu: reperita ab omnibus lacrymæ. Secedere jussò cœptum consultari, quid agi oporteret. Non deerant, qui placandi Regis obtentu alium Ecclesiæ Cantuariensi destinarent, cæden-dam esse hanc victimam publicæ quieti, & unius jaeturâ redimen-dum commune naufragium: nec alias Infulas defore. Plerique nec decorum id esse, nec honestum dicebant, omniūque tandem eadem sententia fuit, *Pharisæis*, ut inquit Alanus, *exceptis.* (a)

VIII. Revocatum ergo Pontifex Dignitati restituit, indidit-que annulum, adjecit spem meliorum, & interim Pontiniacensi Abbati

(a) Alanus in V.l. 2.c. 12. Placuit omnibus sententia, præterquam Pharisæis, &c.

Abbatii commendavit, qui tunc aderat. Ita Sanctus aulam Monasterio commutavit, & ne quid ab alijs differret, Monachum induit, recepto à Pontifice ex rudi lana amictu, quem ipse benedixerat, addidique ijs, qui deferebant: *Dicite Domino Canuariensi, quod habitum ei misimus, qualem habuimus, non qualem vellemus.* Adjecit Sanctus à collo ad poplites vestem cilicinam, tum flagella, & inediā, ac lectionem Scripturarum, tanto studio & oblectatione dučam, ut sacros codices vix manu dimitteret. Secuta gravis infirmitas ærumnis, & afflictatione provocata, corpore ad has pœnas adhuc rudi, nec satis exercito; sed hoc Martyrij tyrocinium erat, affluebantque cælestes delitiæ, tantâ animi quiete gaudiōq; ut corpus perfunderent, crederēsque exilij oblitum inter voluptates rosāsque versari, præsertim valetudine confirmatâ. Sed brevis hæc quies fuit, quam tristissimi ex Anglia Nuntij turbârunt. Furebat Henricus Rex, & sevissimis editiis in Alexandrum Pontificem, & D. Thomam agebat: prohibitæ ad utrūmque Appellationes, & litteræ: custodita maria portuſque, ne aliquæ ab ipsis Angliam penetrarent: & qui illis faverent, bonis omnibus multati, nullo inter sacras, profanâsque Personas discrimine: (a) Denarius S. Petri interceptus, & Regio Fifco addictus: omnes quoque proventus Archiepiscopi ærario illati: & quotquot illum aut cognatione, aut amicitia contingebant, Angliâ expulsi, nullo conditionis, sexûs, ætatisque discriminâ. Unde Sancto perpetuum dolendi argumentum, lacrymas suorum & exilia quotidie spectantî. Amicis eos commendabat, præsertim Siciliae Reginæ, cuius charitate plerique adjuti, ut etiam Syracusarum Archiepiscopi, quibus litteris gratias egit. Pontiniaci biennium degit, ubi & Legati Apostolici Dignitate per totam Angliam auctus est, excepto Eboracensi Episcopatu; quam & tam eretto impavidâque animo exercuit litteris in Angliam ad Episcopos, ipsūmque Regem datis, pœnisque etiam adjectis in contumaces, ut non exulem illum, sed adhuc florentem crederes, & præpotentem. Pontiniaco litteris

I

ab

(a) Denarius S. Petri erat nummus argenteus ex singulis domibus totâ Angliâ pendì solitus: sublatus est ab Henrico VIII. secuto mox schismate, & haeresi. V. Glossar. du Fresne. De hoc Denario S. Petri non tantum ab Anglia, sed etiam Gallia, Britannia minori, Polonia, & Hibernia dari solito V. Spond. ad ann. 740. 782. 869. 1045. 1159.

ab Henrico pulsus est, Ordini Cistertiensi extrema minante; quæ cùm Sanctus intellexisset, Senonas migravit, Ludovico Rege rotum Regnum, ubi hospitaretur, offerente. Senonis magno honore cultus, Regisque impensis sustentatus est. Henricus interim cùm Alexandri Pontificis in Archiepiscopum studia intellexisset, vindictæ præceps Friderico Imperatori per Legatos se adjungit, jubetque Alexandrum toto Regno ejurari: id enim Wilhelmus Saresberiensis in vita testatur, (a) quamvis Henricus, alijque negaverint, id voluntate, multoq[ue] minus imperio Regis à Legatis factum. (b) Alexander interea pacem inter Archiepiscopum, Regemque moliri; mutuis enim dissidijs non Archiepiscopus tantum, sed Ecclesia periclitabatur: missi in Angliam propterea duo Legati, Wilhelmus, & Otto Cardinales, qui litem honestis conditionibus finirent; sed id novum dissidijs fomentum fuit. Credebat Archiepiscopus Legatos à Pontifice missos, qui jus dicent, non qui componerent, & ad æquas conditiones Regis animum inducerent: præsertim Wilhelmm recusabat, quippe auro corruptum, Archiepiscopo æmulum, Regis gratia obsequiisque unicè adstrictum, & mille alijs titulis gravem; unde in Alexandrum Papam non solum à Divo Thoma amarissimis querelis, sed etiam à Rege Galliæ, alijque declamat, quod illi judicandi potestatem fecisset, qui hostis esset, qui pretio conductus, quique insolenter se jaçaret, certus non illi causam adjudicare, qui innocentior, sed qui potentior esset. Et quamvis Alexander Wilhelmo Ottonem adjunxit aequi amantem; par tamen non erat, altero potentia, favoribus, clientelis vincente: ut tandem Legatos revocari oportuerit irrita Legatione, imò noxiā. Sanctus interea exulēm oblitus, Archiepiscopi, Legatique Apostolici partes egregie implebat, multis, quod bona Ecclesiastica occuparent, nec moniti absisterent, anathemate percussis; inter quos Episcopus Londoniensis, alijque gratiā apud Regem præcipui: hinc oleum flammæ additum; sed Sanctus innatā libertate ferebatur, quam Galliæ Regis protectio etiam augebat. Scriperat is Romano Pontifici rogatque, ne suâ Auctoritate sententias Archiepiscopi solveret, ad junxitque per Legatos: *Si quis Archiepiscopum, vel suos tanget, is pupillam oculi*

(a) Vita S. Thomæ lib. 2. cap. 20. (b) V. Vitam lib. 2. epist. 41. & l. 1. epist. 10.

culi mei tanget. (a) Nec intra calatum, & nuntios stetit, operi accinctus est tentata inter offensos pace. Enimvero jam paraverat Archiepiscopus in Regem Censuras, sed ut fulmen tam excelso capiti, sereno non turbato celo incideret, nec quidquam celesti huic igni prophanum misceretur, triduum inter preces, vigiliisque sumpsit, & inter aras D. Virginis Suectionensis, Gregorij Magni, & B. Dransij pernoctavit; ut videoas, quanto apparatu, delectuque vibranda sint diræ, præsertim in Regnantium capita, quorum morbi plerumque remedijs invalescunt: & Deus fulmini jam cadieni moras opposuit, Regemque lecto affixit. Sanitati redditum Rex Galliæ ad colloquium invitavit, adfuitque Archiepiscopus, aliquæ utriusque Regni Magnates ingenti numero; quippe fama præcurrerat, Archiepiscopum in potestate Regis fore; unde omnium expectatio Colossi hujus casum videre cupientium. Stetit tamen, ut eventus docuit, & aliorum spes elusit, aut etiam implevit; malebant enim ex aula non pauci jurgia durare in turbido piscaturi, timebantque, si in gratiam rediret, aut hujus potentia, quem adeò provocaverant, aut suis metu artibus, si proderentur, casuros. Omnes ergo inter spem metumque eventus suspenderat.

IX. Ubi in Regis conspectum Archiepiscopus venit, ejus genibus pro voluntus est; (b) nam reverentiam libertati conjunxerat, ac vultu, ut Sancti solent, imperterritu juxta modestoque: *Adsum, inquit, O Rex, Sacerdotis, & exulus habitu: quod pedibus tuis affusum, quod supplicantem vides, exulum decuit; prateritorum memoriam nec ego retineo, & tu velim obliteres: si quid peractum à me est, quod Majestatis tuae animum movit, Sacerdoti, & Antistiti imputa, quem invitum fecisti: secui, at medentis animo. Jam vero causas, qua Sacerdotum, Regnumque colligere, arbitrio, & voluntati tua committo; jube ut voles, obsequenter me habebis, fidumque, ut semper, salvo tantum honore Dei: hunc solum mei, tuique Dominum excipio.* Infremuit Henricus ad has ultimas voces; nam primas patienter audierat: nec probris, convitiisque temperavit, superbum pertinacem, ingratumque appellans. Tum ad Regem Galliæ conversus, illudi sibi ab Archiepiscopo querebatur; quippe obtenuit Divini honoris omnia recularum, quæ ejus animo haud federent: lumen hunc esse, non obsequium. Tum mitigato velut animo, &

I 2

malaciæ

(a) Lib. I. epist. 139. (b) Herib. in V. lib. 2. cap. 25.